



Maglaj, 17.04.2019. godine

ZAPISNIK

sa sjednice Privrednog savjeta Općine Maglaj, održane u srijedu, 17.04.2019. godine u sali
Općinskog vijeća sa početkom u 13:00 sati

PRISUTNI:

1. Mirsad Mahmutagić, Općinski načelnik
2. Senada Alibajraktarević, Općina Maglaj
3. Ferhat Bradarić, Općina Maglaj
4. Nermin Bešlagić, Općina Maglaj
5. Emina Hasanić, Udruženje poslodavaca Maglaj
6. Nermin Kadrić - Efcó nat d.o.o. Maglaj
7. Sebastijan Zamboni - Elprom-Zamboni d.o.o. Maglaj
8. Braco Bradarić - Zanati d.o.o. Maglaj
9. Jasmin Halilović - Stilprojekt d.o.o PJ Maglaj
10. Amir Alibajraktarević - INEL BH d.o.o. Maglaj

Zapisničar, Omar Fazlić
Arneta Tumbić, Općina Maglaj press

Dnevni red:

1. Program rada Privrednog savjeta općine Maglaj za 2019. godinu (plan nastupa na sajmovima, plan informisanja i edukacija, program poticaja, ostalo);
2. Prezentacija implementiranih i aktuelnih projekata i aktivnosti na području općine Maglaj;
3. Prezentacija prijedloga Odlukeo komunalnim naknadama;
4. Anketa – stavovi poslovne zajednice o uslugama javnog sektora za 2018. godinu
5. Anketa nezaposlenih osoba sa evidencije Zavoda za zapošljavanje – Biroa Maglaj
6. Razno – prijedlozi i sugstije, tekuća problematika

AD-1 - Program rada Privrednog savjeta općine Maglaj za 2019. godinu (plan nastupa na sajmovima, plan informisanja i edukacija, program poticaja, ostalo);

Predsjednik Privrednog savjeta općine Maglaj, Mirsad Mahmutagić se na samom početku zahvalio prisutnim članovima na odvojenom vremenu i dosadašnjem radu. Nakon isčitanog dnevnog reda i njegovog usvajanja, otvorio je raspravu po tački 1.

Nermin Bešlagić je predstavio Program rada Privrednog savjeta općine Maglaj za 2019. godinu i otvorio diskusiju kako bi ostali članovi uputili prijedloge.

G-din Kadrić je naveo kako obrazovanje predstavlja veliki problem jer ne stvara radno sposobni kadar. Uz sve veći odlazak stručnog kadra u zapadnu Europu, koji se svake godine povećava, g-din Kadrić naglasio je da treba aktivnije pristupiti rješavanju tog problema. Predložio je da se u narednom periodu pozovu predstavnici obrazovnih institucija u Maglaju, na sastanak Privrednog savjeta, kako bi čuli njihovu stranu i tako pristupili rješavanju problema.

Usvaja se Predloženi Program rada Privrednog savjeta općine Maglaj za 2019. godinu.

AD-2 - Prezentacija implementiranih i aktuelnih projekata i aktivnosti na području općine Maglaj

Općinski Načelnik je predstavio implementirane i aktuelne projekte na području općine Maglaj kako bi Privredni savjet imao ažurne podatke o aktivnostima u općini Maglaj ali i prosljedjivao informacije ostalim zainteresovanim privrednicima i kanalisao njihove interese u sklopu tih aktivnosti, te je nakon prezentacije otvorio diskusiju.

Članovi Privrednog savjeta su izrazili zadovoljstvo sa trenutnim aktivnostima i naglasili da kontinuirano treba unaprijediti poslovni ambijent kroz projekte viših nivoa vlasti ili drugih donatora i organizacija.

AD-3 - Prezentacija prijedloga Odluke o komunalnim naknadama

Općinski načelnik je u kratkim crtama eleborirao prijedlog Odluke o izmjeni i dopuni Odluke o komunalnoj naknadi i istakao najznačajnije promjene u odnosu na dosada važeće odluke i uslove privređivanja na području općine Maglaj.

Općinski načelnik je predstavio i procjenu finansijskih efekata kako za budžet Općine Maglaj tako i konkretnih privrednih djelatnosti/subjekata.

S obzirom na planiranu sjednicu Općinskog vijeća, Općinski načelnik je pozvao prisutne da daju svoje eventualne primjedbe i sugestije koje bi bile iznesene na sjednici OV a prije samog usvajanja iste.

Po ovoj tački nije bilo daljih diskusija.

AD-4 - Anketa – stavovi poslovne zajednice o uslugama javnog sektora za 2018. godinu

Nermin Bešlagić je prezentirao analizu provedene ankete stavova poslovne zajednice o uslugama javnog sektora za 2018. godinu. Rezultati su se uporedili sa anketom iz prošle godine uz napomenu da će se bolje razumijevanje trenda poslovne zajednice općine Maglaj stvoriti uz

kontinuirano provođenje ankete. Anketa – stavovi poslovne zajednice o uslugama javnog sektora za 2018. godinu je postavljena na zvaničnoj web stranici Općine Maglaj i dostupna je široj javnosti.

G-din Halilović je podržao provedenu anketu i izrazio želju da se nastavi sa dobrom praksom kako bi se ojačala dvostruka komunikacija između općinske administracije i poslodavaca općine Maglaj. Dodao je da je praćenje trendova osnovni alat za unapređenje usluga prema poslovnoj zajednici općine Maglaj, kao i afirmacija poslodavcima da općinska administracije i Privredni savjet nastoje na poboljšanju usluga i stalnom unapređenju suradnje. Ostali članovi Privrednog savjeta su se pridružili komentarima g-dina Halilovića te zaključili tačku.

AD-5 - Anketa nezaposlenih osoba sa evidencije Zavoda za zapošljavanje – Biroa Maglaj

Shodno diskusijama u okviru 1. Tačke dnevnog red i sveukupnoj situaciji vezanoj za dostupnost radne snage, iskazanih potreba privrednih subjekata te trenda odlaska stanovništva u EU i dr. zemlje, Nermin Bešliagić je prezentirao plan prikupljanja podataka, u saradnji sa Zavodom za zapošljavanje, Biro Maglaj, odnosno anketiranje nezaposlenih osoba u cilju sagledavanja sveukupnog stanja i položaja u kome se nalazi ova populacija.

Na osnovu sveukupnog prikupljanja relevantnih podataka o potrebama nezaposlenih lica, biti će moguće kreiranje mjera za poboljšanje položaja nezaposlenih osoba ali i zadovoljenje potreba privrednih subjekata.

Pristupi članovi su dali punu podršku ovoj aktivnosti i saglasili se sa javnim korištenjem podataka i rezultata vezanih za mišljenje i ocjene konkretnih privrednih subjekata a u cilju dobijanja što reprezentivnijih informacija i rezultata.

AD-6 - Razno – prijedlozi i sugestije, tekuća problematika

6. tačka dnevnog reda bila je prilika za razne sugestije i prijedloge, kao i iniciranje aktivnosti koje članovi privrednog savjeta smatraju važnima u svrhu poboljšanja privrednog ambijenta u općini Maglaj.

G-din Braco Bradarić je napomenuo potrebu spajanja privrednika kao njihove podrške lokalnim sportskim klubovima. Naveo je da se Maglaj može ponositi rezultatima raznih klubova ali kako im je potrebna podrška lokalnih privrednika kako bi nastavili sa dobrim rezultatima i ostali konkurentni sa klubovima drugih opština.

Mirsad Mahmutagić se na kraju zahvalio članovima na konstruktivnom radu i dobrim sugestijama i kritikama koje će samo doprinjeti poboljšanju sveukupnog rada općine Maglaj i njenom poslovnom ambijentu.

Završeno u 15:30 sati